



UNIVERSITÄTS-
BIBLIOTHEK
PADERBORN

**Der Zweyfache Seegen Gottes In Aufrichtung und
Einweyhung Des Neuen Gottes-Haus S. Felicitatis zu
Münster-Schwartzach Von dem Hochwürdigsten/ des Heil.
Röm. Reichs Fürsten und Herrn/ Herrn Friedrich ...**

Brendan, Ignaz

Wirtzburg, 1743

Joannes Burckardi, h. n. IV. Abbas XLIX.

[urn:nbn:de:hbz:466:1-64386](https://nbn-resolving.org/urn:nbn:de:hbz:466:1-64386)

felix decoctor, conflarat, partem exolvit, & redemptâ à Nobilibus de Wichsenstein decimâ in Kiefenbach, domum pro infirmis loco commodo extruxit. Præterea intelligens Wolffgangus Abbatem Langheimensem Fridericum ægrius laturum esse, oppignoratam decimam & census in Escherndorff & Ostheim redimi; Bonorum istorum usumfructum Georgio Ludovico à Seinheim concessit, suâ ut operâ & auctoritate bona ista recuperaret. Quod etiam præstitit; anno Christi 1563. ætatis suæ quadragesimo Wolffgangus paralyti tactus ex hac vita decessit.

JOANNES Burckardi, h. n. IV.
ABBAS XLIX.

Conceptum ex Wolffgangi morte dolorem brevî absterfit auspiciatissima Joannis Burchardi Weissenbürgensis Norici electio; in quo, quidquid in Wolffgango amiserat, cumulatè Monasterium recepit, Abbatem numeris omnibus absolutum: Electus an. ætatis 26. festo S. Joannis Baptistæ Abbatis insignibus condecoratus fuit A. C. 1563. Quoad vixit, Præsulum laudatissimorum vestigiis insistens multa fecit, ex quibus & illi & Monasterio

sterio nostro magnus splendor accessit. Reliquâ debitorum parte solutâ controversiam cum Abbate Langheimensi, cujus mentio superius facta est, feliciter composuit; & præter ædificia alia complura à se vel recens excitata vel reparata, templo variis rarissimisque picturis illustrato turrim ære campano instructam imposuit; redemptaque domo Dettelbacensi oppignoratâ, Parochiis pagorum nobis subjectorum de redditibus multò amplioribus liberaliter providit. Quâ dexteritate sua planè singulari cum pari pietatis fervore conjunctâ tantam sibi ubique famam collegit, ut unus dignissimus habitus fuerit, cui cura Monasterii Banthensis ad pristinum fervorem & decus reducendi committi posset. Suscipit ille hanc in se curam magno animo, & continuò tyrones 12. lectissimos partim Wirceburgum ad perdiscendas humaniores literas in scholis PP. Societatis JESU, partim Schwartzacum ablegat, ut cum liberalibus disciplinis scientiam Sanctorum maturè addicerent, ratus, Cœnobii sibi commissi salutem à se meliùs prospici non posse, atque si tyrones in eo & virtutibus & literis exculti adolescerent; qui deinceps confirmatâ ætate spiritum, quem juvenes

hauserunt, in alios derivarent; dùmque sic Reli-
 giosos bene efformandos aliò miserat, ipse tem-
 plo & Monasterio novum accersere splendorem
 variis modis allaborabat; Deo præclara hæc opti-
 mi Præfulis studia mirâ bonorum temporalium
 accessione remunerante. Nam primò vidua Seba-
 stiani cuiusdam ex antiqua & equestri Fulbachia-
 na familia ultimis tabulis suis insignem bono-
 rum suorum portionem legavit, Joanne Abbate
 nonnisi 7. florenorum Rhenanorum millia pen-
 dente. Tum verò ab obitu nobilis Matronæ Cor-
 dulæ à Lichtenstein ex gente Cunctadiana domi-
 cilium in Buch cum decimis in Zilgendorff & Bu-
 chenroth Monasterio adjunctum est. In nu-
 merata etiam pecunia, septies mille & trecentis
 florenis prædium Hebendorffense cum Sylva
 Umersbergica ab Episcopo Wirceburgensi emit;
 ut de decimis in Hayred de variis pratis & simili-
 bus nihil dicamus; pro quibus beneficiis ut se Deo
 bonorum omnium largitori gratum præstaret,
 perpetuam in Altenbantz eleemosynam in paupe-
 res subditos erogandam statuit. His laboribus
 perfunctus Joannes, quò divinis se obsequiis to-
 tum dare posset, novum sibi Abbatem subrogari
 ab

ab Episcopo Wirceburgensi enixè petiit, qui tamen non modò hoc eum onere non levare voluit, sed Monasterium ad S. Stephanum pariter administrandum commisit an. 1590. Tam magnificè de Joannis pietate, sapientia, dexteritate sentiebat. Licèt tamen ille tam diversis curis distractus esset, Schwartzaci tamen sui potissimam semper rationem habere visus est: Ecclesia Dimbacensis splendè reparata, census Sommeracenses & alii vel acquisiti vel permutati, vineta in Marchia Astheimensi pariter permutata id abundè testantur; colligimus etiam ex eo, quod Schwartzaco discessurus ad Monasterium Banthense magnam lacrymarum copiam profuderit, crebrò affirmans, ægerrimè se à Schwartzaco avelli. Intellexit fortassis etiam jam tum mortem sibi esse in insidiis, ad quam quidem variis pietatis exercitiis, crebrâ sanctissimorum Sacramentorum susceptione, & assiduâ lapidis sepulchralis, quem sibi vivo parari curaverat, consideratione quàm diligentissimè præparârat; vix enim Banthum tenuit acutâ mox febris corripitur die 14. Januarii 1598., qua subin Medicorum solertiâ levatus, catharro suffocativo demum opprimitur die 26. Januarii, cùm Monasteriis

51159

steriis Schwartzacensi annos 34. & menses 8. Banthenfi 25. annos, ad S. Stephanum 8. præfuiſſet. Funus à Bantho Dimbacum defertur, ibique à Conventu Schwartzaceni exceptum Schwartzaci terræ mandatum eſt.

JOANNES Krug, h. n. V.
ABBAS L.

Joanni Burchardo pientiffimè defuncto alium Joannem ſubſtituit Conventus Schwartzaceniſis cognomento Krug an. 1598. Præter exornatam ſplendidè Eccleſiam & Parochias amplioribus redditibus inſtructas, Abbatiam cum Cellaria in Somrach recèns exſtruit, magnâ inſuper veſtium ſacrarum librorumque copiâ ad Templi & Bibliothecæ ſplendorem coëmptâ; Julio Epifcopo Wirceburgeni perquàm charus fuit, qui etiam Joannis operâ in gravioribus negotiis utebatur; Monafterio ad S. Stephanum Wirceburgi non mediocrem debitorum ſummam ultrò remiſit, Abbate Kiliano, & Vito Behringer Priore, totóque Conventu collatum ſibi hoc beneficii genus tanti facientibus, ut literis feſto S. Jacobi Apoſt. 1605. datis, quibus Abbatis & Conventûs inſignia appenſa